

2023 оны 12-р сарын 31-ний өдрөөр
тасалбар болсон жилийн
СТОУС-ын дагуу илэрхийлэгдсэн
САНХҮҮГИЙН ТАЙЛАН

СҮҮ

Хувьцаат Компани

ХАРААТ БУС АУДИТОРЫН ТАЙЛАН

Сүү ХК -ийн Хувьцаа эзэмшигчдэд

Санал дүгнэлт

Сүү ХК (Компани)-ийн дараах тайлангуудаас бүрдсэн санхүүгийн тайлангуудад аудит хийлээ:

- 2023 оны 12-р сарын 31-ний өдрөөр тасалбар болсон санхүүгийн байдлын тайлан;
- Энэ өдрөөр тасалбар болсон жилийн ашиг, алдагдал болон бусад дэлгэрэнгүй орлогын тайлан, өмчийн өөрчлөлтийн тайлан, мөнгөн гүйлгээний тайлангууд; болон
- Нягтлан бодох бүртгэлийн материаллаг бодлогын мэдээлэл.

Бидний дүгнэлтээр, хавсаргасан санхүүгийн тайлангууд нь компанийн 2023 оны 12-р сарын 31-ний өдрийн санхүүгийн байдал, энэ өдрөөр тасалбар болсон жилийн санхүүгийн гүйцэтгэл болон мөнгөн гүйлгээг бүх материаллаг зүйлсийн хувьд Санхүүгийн Тайлагналын Олон Улсын Стандарт (СТОУС) -ын дагуу үнэн зөв илэрхийлсэн байна.

Санал дүгнэлтийн үндэслэл

Бид аудитаа Аудитын Олон Улсын Стандарт (АОУС)-ын дагуу хийсэн. Эдгээр стандартын дагуу хүлээх үүрэг хариуцлагаа энэ тайлангийнхаа санхүүгийн тайлангийн аудитад Аудиторын хүлээх үүрэг хариуцлага гэсэн хэсэгт харуулсан. Бид Нягтлан Бодогчдын Ёс Зүйн Олон Улсын Стандартын Зөвлөл (НБЁЗОУСЗ)-ийн Мэргэжлийн Нягтлан Бодогчдын Ёс Зүйн Дүрэм (*Хараат бус Байдлын Олон Улсын Стандартыг багтаасан*) болон Монгол улсад мөрдүүлэхээр шаарддаг санхүүгийн тайлангийн аудиттай холбоотой ёс зүйн шаардлагуудын дагуу компаниас хараат бус байсан бөгөөд НБЁЗОУСЗ-ийн дүрэм болон эдгээр ёс зүйн шаардлагын дагуу бусад ёс зүйн үүрэг хариуцлагаа бүрэн биелүүлсэн болно. Бидний олж авсан аудитын нотолгоо нь бидний гаргасан дүгнэлтийн үндэслэл болоход хангалттай бөгөөд зохистой гэж бид найдаж байна.

Аудитын гол асуудал

Аудитын гол асуудал гэдэг нь аудиторын мэргэжлийн шийдлийн хүрээнд тайлант үеийн санхүүгийн тайлангийн аудитад томоохон нөлөө үзүүлэх асуудлууд байна. Эдгээр асуудлыг санхүүгийн тайлангийн аудитын агуулгын хүрээнд бүхэлд нь болон энэ тайлангийн талаар аудиторын дүгнэлт гаргахад авч үзсэн бөгөөд аудитор энэхүү гол асуудалд тусад нь дүгнэлт илэрхийлээгүй.

1 Биологийн хөрөнгийн анхны болон дараа үеийн хэмжилт

НББОУС41, *Хөдөө аж ахуй* стандартын дагуу компанийн биологийн хөрөнгийг анх болон тайлант жил бүрийн эцэст борлуулалтын зардлыг хассан бодит үнэ цэнээр хэмжиж тайлагнахыг шаарддаг.

Аудиторын гүйцэтгэсэн горим:

- Тайлант жил бүрийн эцсээрх биологийн хөрөнгийн биет байдал, хөрөнгийн одоогийн болон цаашдын ашиглалт ба хэрэглээг тодорхойлсон;

ХАРААТ БУС АУДИТОРЫН ТАЙЛАН (үргэлжлэл)

Аудитын гол асуудал (үргэлжлэл)

1 Биологийн хөрөнгийн анхны болон дараа үеийн хэмжилт (үргэлжлэл)

Энэхүү бодит үнэ цэний тооцоолол нь удирдлагыг томоохон тооцоолол ба таамаглал хийхийг шаарддаг. Бодит үнэ цэний хэмжилт нь санхүүгийн байдлын тайлангийн хөрөнгө болон ашиг, алдагдалд шүүд нөлөөлнө.

2023 оны 12-р сарын 31-ний байдлаарх эргэлтийн болон эргэлтийн бус биологийн хөрөнгийн дүн 1,463,101 мянган төгрөг (2022: 2,402,698) байна. Хавсаргасан санхүүгийн тайлангийн Тэмдэглэл 24-ээс үзнэ үү.

Аудиторын гүйцэтгэсэн горим (үргэлжлэл):

- Удирдлагын гүйцэтгэсэн бодит үнэ цэний тооцоололд ашигласан аргын сонголтын тохиромжтой байдал, ашигласан орц мэдээллийн үл үндэслэлтэй байдлыг үнэлсэн;
- Ижил төстэй биологийн хөрөнгийн зах зээл болон жишиг үнийн судалгаа хийж гүйцэтгэсэн;
- Биологийн хөрөнгийн насжилт, төл өгөх магадлал, сүүний дундаж гарц, бий болгох цэвэр мөнгөн урсгалд таамаглал дэвшүүлж, ирээдүйн ашиглалтаас бий болох таамагласан мөнгөн урсгалын өнөөгийн үнэ цэнээр бодит үнэ цэнийг давтан тооцоолсон;
- Санхүүгийн тайлан дахь холбогдох тодруулгыг зохистой байдлыг үнэлсэн.

2 Бараа материалын хэмжилт

НББОУС 2, *Бараа материал*-ын дагуу компанийн бараа материалыг өртөг болон цэвэр боломжит үнэ цэний аль багаар бүртгэхийг шаарддаг.

Энэхүү цэвэр боломжит үнэ цэний тооцоолол нь удирдлагыг бараа материалыг иж бүрдэл болох тооцоолсон зардал болон борлуулахад бэлэн болгох тооцоолсон зардал дээр үндэслэн барааны цэвэр боломжит үнэ цэнийг тооцож, барааны өртөгтэй харьцуулан аль багаар хэмжиж толилуулахыг шаарддаг.

2023 оны 12-р сарын 31-ний байдлаарх бараа материалын дансны үлдэгдэл 22,238,723 мянган төгрөг (2022: 21,641,490 мян.төг) байна. Хавсаргасан санхүүгийн тайлангийн Тэмдэглэл 16-аас үзнэ үү.

Аудиторын гүйцэтгэсэн горим:

Тайлант жилийн эцсээр бараа материалын үлдэгдлийн үнэлгээний үл үндэслэлтэй байдлыг шалгахын тулд:

- Эцсийн борлуулах үнэ нь бараа материалын өртөг дээр дуусгавар болгохтой холбогдон гарах нэмэлт зардлын нөөц болон борлуулах зардлыг нэмсэн дүнгээс өндөр гэдгийг баталгаажуулсан;
- Хэвийн арилжааны болон тоо хэмжээний хөнгөлөлтийг харгалзан үзэж борлуулалтын үнийг таамаглан тооцоолсон;
- Үйлдвэрлэж буй бүтээгдэхүүнийг иж бүрэн болгох хүртэл гарах зардлын тооцооллын үл үндэслэлтэй байдлыг шалгасан.
- Борлуулах зардлын тооцооллыг нягтлан шалгасан;
- Санхүүгийн тайлан дахь холбогдох тодруулгын зохистой байдлыг үнэлсэн.

ХАРААТ БУС АУДИТОРЫН ТАЙЛАН (үргэлжлэл)

Аудитын гол асуудал (үргэлжлэл)

3 Худалдан авагчтай байгуулсан гэрээний орлого хүлээн зөвшөөрөлт

Орлого нь компанийн гүйцэтгэлийг үнэлэхэд ашигладаг чухал хэмжүүр юм. Орлого хүлээн зөвшөөрөх үйл явдал нь ямагт компанийн бодитоор бий болгосон дүнгээс өндөр дүнгээр орлого хүлээн зөвшөөрч, тайлагнасан байх эрсдэлийг бий болгож байдаг.

Борлуулалтын гүйлгээ хийгдэж, бараа бүтээгдэхүүн үйлчлүүлэгчид хүргэгдэж, үүний үр дүнд компанийн эдийн засгийн бүх эрсдэл худалдан авагчид шилжсэн үед орлогыг хүлээн зөвшөөрдөг. Барааг дэлгүүрт хүргэж, худалдан авагчид шилжүүлснээр, эсвэл барааг худалдан авагч барааны үнийг төлж, худалдан авагчийн байршилд барааг хүргэсэн цэгт орлого хүлээн зөвшөөрдөг. Үнэн зөв орлого хүлээн зөвшөөрөлтийг аудитын гол асуудал гэж бид дүгнэсэн.

2023 оны 12-р сарын 31-ний байдлаарх хүлээн зөвшөөрсөн орлогын дүн 147,793,353 мянган төгрөг (2022: 108,774,221) байна.

Хавсаргасан санхүүгийн тайлангийн Тэмдэглэл 5 болон 34(Орлого)-хэсгээс үзнэ үү.

Аудиторын гүйцэтгэсэн горим:

Компани нь орлого хүлээн зөвшөөрөх зөв бодлого хэрэгжүүлж буй эсэх, борлуулалтын холбогдох хөнгөлөлт, буцаалтыг тооцоолсон цэвэр дүнгээр бүртгэн толилуулж байгаа эсэх талаар нотолгоо цуглуулахын тулд аудиторүүд дараах горимуудыг гүйцэтгэсэн.

- Орлого хүлээн зөвшөөрөх бодлого болон бүртгэлийн арга техник нь СТОУС 15, *Худалдан авагчтай байгуулсан гэрээний орлого*-ын дагуу тохиромжтой эсэхийг үнэлсэн;
- Анхан шатны баримтаас түүвэрлэн худалдан авагчтай байгуулсан гэрээний орлогын бүртгэлийг шалгахдаа хяналтын болон биет тест хийж гүйцэтгэсэн;
- Борлуулалтын хөнгөлөлт болон буцаалтын бүртгэл хөтлөлт үнэн зөв эсэхийг шалгасан.
- Борлуулалтын циклийн тасалбар болголтыг шалган зөв тайлант үед орлого хүлээн зөвшөөрсөн эсэхийг шалгасан.

4 Засгийн газраас хүүгийн хувь хэмжээний дэмжлэгтэй зээлийн анхны болон дараа үеийн хэмжилт

Компани тайлант жилд “Хүнс хөдөө аж ахуйн үйлдвэрлэлийг дэмжих хөрөнгө оруулалтын болон эргэлтийн хөрөнгийг санхүүжүүлэх” Засгийн газраас хариуцсан төлөх зээлийн хүүгийн дэмжлэгтэй зээлийн гэрээг Хүнс, хөдөө аж ахуй, хөнгөн үйлдвэрийн яам болон Хас банкт хамтарч байгуулсан. Энэхүү хүүгийн дэмжлэгтэй зээлийн гэрээний хүрээнд компани зээлийн бүртгэлийн анхны хэмжилтийг бодит үнэ цэнээр нь хэмжиж бүртгэх болон засгийн газрын буцалтгүй тусламжийн хойшлогдсон орлогыг санхүүгийн тайланд хүлээн зөвшөөрч бүртгэхийг СТОУС шаарддаг.

Аудиторын гүйцэтгэсэн горим:

- Зээлийн гэрээ бүрийн зориулалттай танилцсан;
- Зээлийн гэрээ тус бүрээр нийт хүүгийн хувь хэмжээгээр зээлийн бодит үнэ цэний тооцооллыг хийж, зээл болон засгийн газрын буцалтгүй тусламжийн хойшлогдсон орлогын анхны хэмжилт үнэн зөв эсэхийг шалгасан;
- Зээлийн гэрээ тус бүрийн хувьд дараа үеийн хэмжилтийг шалгасан ба ингэхдээ засгийн газраас дэмжлэг үзүүлж байгаа хүүгийн хувь хэмжээгээр ашиг алдагдал болон бусад дэлгэрэнгүй орлогын тайланд хүлээн зөвшөөрсөн хүүгийн зардлын дүн үнэн зөв эсэхийг шалгасан;

ХАРААТ БУС АУДИТОРЫН ТАЙЛАН (үргэлжлэл)

Аудитын гол асуудал (үргэлжлэл)

4 Засгийн газраас хүүгийн хувь хэмжээний дэмжлэгтэй зээлийн анхны болон дараа үеийн хэмжилт (үргэлжлэл)

Мөн дараа үеүүдэд анх хүлээн зөвшөөрсөн хойшлогдсон буцалтгүй тусламжийн орлогыг тайлант жил бүр шулуун шугамын аргаар хорогдуулж бүртгэх ба засгийн газраас дэмжлэг үзүүлж байгаа хүүгийн хувь хэмжээг хорогдуулж ашиг алдагдал болон бусад дэлгэрэнгүй орлогын тайланд хүлээн зөвшөөрдөг.

2023 оны 12-р сарын 31-ний байдлаар хорогдуулсан өртгөөр хэмжигдсэн тус зээлийн дүн 18,217,548 мянган төгрөг (2022: 0) байна.

2023 оны 12-р сарын 31-ний байдлаар санхүүгийн тайланд хүлээн зөвшөөрсөн хойшлогдсон засгийн газрын буцалтгүй тусламжийн орлогын дүн дүн 7,735,779 мянган төгрөг (2022: 0) байна.

Хавсаргасан санхүүгийн тайлангийн Тэмдэглэл 28-аас үзнэ үү.

Аудиторын гүйцэтгэсэн горим (үргэлжлэл):

- Анхны хэмжилтээр хүлээн зөвшөөрсөн засгийн газрын буцалтгүй тусламжийн хойшлогдсон орлогын хорогдуулалт нь ашиг алдагдал болон бусад дэлгэрэнгүй орлогын тайланд үнэн зөв бүртгэсэн эсэхийг шалгасан;
- Зээлийн гэрээнд заагдсан шалгуур үзүүлэлт зөрчигдсөн байж болзошгүй гэж үзэн зээлийн гэрээгээрх шалгуур үзүүлэлтүүдийг шалгасан.

Бусад мэдээлэл

Удирдлага нь бусад мэдээлэлд үүрэг хариуцлага хүлээдэг. Бусад мэдээлэл нь гүйцэтгэх удирдлагын зүгээс хөрөнгө оруулагчид болон нээлттэй зах зээлд зориулан бэлтгэсэн жилийн тайлан, мөн зээлдүүлэгчдэд зориулан бэлтгэсэн бусад тайланд орсон мэдээллээс бүрддэг боловч түүнд бидний аудиторын тайлан ордоггүй.

Санхүүгийн тайланд гаргасан бидний дүгнэлт нь бусад мэдээллийг хамардаггүй бөгөөд бид бусад мэдээллийн талаар аливаа баталгаажилтын дүгнэлт гаргахгүй.

Санхүүгийн тайлангийн аудиттайгаа холбогдуулан бидний хүлээх үүрэг хариуцлага бол бусад мэдээллийг уншиж, ингэснээр бусад мэдээлэл нь санхүүгийн тайлан эсвэл аудитаар олж авсан бидний мэдлэг эсвэл өөр хэлбэрээр материаллагаар буруу илэрхийлэгдсэн байж болох эсэх тухай материаллаг үл нийцлийг авч үзэхэд оршдог. Бид өөрсдийн гүйцэтгэсэн ажил дээрээ суурилан энэхүү бусад мэдээлэл нь материаллаг буруу илэрхийлэлтэй байна гэж дүгнэвэл тухайн бодит байдлыг тайлагнахыг биднээс шаарддаг. Бидэнд ингэж тайлагнах зүйл байхгүй болно.

ХАРААТ БУС АУДИТОРЫН ТАЙЛАН (үргэлжлэл)

Санхүүгийн тайланд Удирдлага ба Засаглах удирдлагын хүлээх үүрэг хариуцлага

Санхүүгийн тайлангуудыг СТОУС-ын дагуу бэлтгэж, үнэн зөв толилуулах, болон алдаа юм уу заль мэхнээс үүдэлтэй материаллаг буруу илэрхийллээс ангид санхүүгийн тайлан бэлтгэх боломж бүрдүүлэхэд зайлшгүй шаардлагатай тийм дотоод хяналтыг тодорхойлох нь удирдлагын үүрэг хариуцлага юм.

Санхүүгийн тайланг бэлтгэж байхдаа удирдлага нь компанийг татан буулгах юм уу үйл ажиллагааг нь зогсоох эсвэл ингэхээс өөр бодит сонголт байхгүй байхаас бусад тохиолдолд удирдлага өөдрөг төсөөллөөр үйл ажиллагаагаа үргэлжлүүлэх компанийн чадамжийг үнэлж, шаардлагатай бол өөдрөг төсөөлөлтэй холбоотой асуудлуудын талаар тодруулга хийх, нягтлан бодох бүртгэлийн өөдрөг төсөөллийн суурийг ашиглах үүрэг хариуцлага хүлээнэ.

Засаглах удирдлага нь компанийн санхүүгийн тайлагналын үйл явцад хяналт тавих үүрэг хариуцлагатай байна.

Санхүүгийн тайлангийн аудитад Аудиторын хүлээх үүрэг хариуцлага

Заль мэх эсвэл алдаанаас үүдсэн материаллаг буруу илэрхийллээс санхүүгийн тайлангууд нь бүхэлдээ ангид эсэх талаарх үл үндэслэлтэй баталгаажилтыг олж авч, өөрийн санал дүгнэлтийг багтаасан аудиторын тайлан гаргах нь бидний зорилго юм. Үл үндэслэлтэй баталгаажилт нь баталгаажилтын өндөр түвшин боловч АОУС-ын дагуу хийгдсэн аудитаар оршин байгаа материаллаг алдаа зөрчлийг цаг ямагт илрүүлж байна гэж амласан баталгаа гаргадаггүй.

Алдаа зөрчил нь заль мэхнээс эсвэл алдаанаас үүсэж болох бөгөөд хэрэв тэр нь дангаараа эсвэл нийлэхээрээ санхүүгийн тайланд үндэслэн түүнийг хэрэглэгчдийн гаргах эдийн засгийн шийдвэрт нөлөөлөх магадлалтай бол материаллагт тооцогддог.

АОУС-ын дагуу хийсэн аудитын нэг хэсэг байдлаар бид мэргэжлийн шийдэл гарган, аудитын туршид мэргэжлийн үл итгэх үзлийг баримтлан ажилладаг. Бид мөн:

- Заль мэх эсвэл алдааны улмаас санхүүгийн тайлан материаллаг алдаатай илэрхийлэгдэх эрсдэлийг тодорхойлж, түүнийг үнэлэн уг эрсдэлд тохирох аудитын горимыг боловсруулан хэрэгжүүлж, өөрсдийн санал дүгнэлтийн үндэслэл болохуйц хангалттай бөгөөд зохистой аудитын нотолгоог олж авдаг. Заль мэхнээс үүссэн материаллаг алдааг илрүүлэхгүй байх эрсдэл нь алдаанаас үүссэн материаллаг алдааг илрүүлэхгүй байх эрсдэлээс харьцангуй их байдаг. Учир нь заль мэхэнд хуйвалдаан, баримт бичгийг хуурамчаар үйлдэх, санаатайгаар орхигдуулах, буруу тайлагнах, дотоод хяналтыг үл ойшоох явдлууд орсон байж болно.
- Компанийн дотоод хяналтын үр ашигт байдлын талаар санал дүгнэлт гаргах зорилгоор биш харин тухайн нөхцөл байдалд тохирох аудитын горимыг боловсруулах зорилгоор аудитад хамаарах дотоод хяналтын талаар ойлголт олж авдаг.
- Удирдлагын ашигласан нягтлан бодох бүртгэлийн бодлогын тохиромжтой байдал, хийсэн нягтлан бодох бүртгэлийн тооцоолол болон холбогдох тодруулгын үл үндэслэлтэй байдлыг үнэлдэг.

ХАРААТ БУС АУДИТОРЫН ТАЙЛАН (үргэлжлэл)

Санхүүгийн тайлангийн аудитад Аудиторын хүлээх үүрэг хариуцлага (үргэлжлэл)

- Мөн олж авсан аудитын нотолгоонд компанийн тасралтгүйгээр үйл ажиллагаагаа үргэлжлүүлэх чадамжид мэдэгдэхүйц эргэлзээ төрүүлэхүйц үйл явдал, нөхцөл байдалтай холбоотой материаллаг тодорхой бус байдал байгаа эсэхийг тодорхойлж, нягтлан бодох бүртгэлийн өөдрөг төсөөллийн суурийг удирдлага зохистойгоор хэрэглэсэн эсэхийг дүгнэдэг. Хэрэв бид материаллаг хэмжээний тодорхой бус байдал оршин байна гэж үзвэл аудиторын тайландаа түүнтэй холбоотой санхүүгийн тайлангийн тодруулгад анхаарал хандуулах эсвэл хийсэн тодруулга нь хангалтгүй байна гэж үзвэл аудитын санал дүгнэлтээ өөрчилдөг. Бидний дүгнэлт нь аудиторын тайлан гаргах өдөр хүртэлх олж авсан аудитын нотолгоонд суурилдаг. Гэхдээ ирээдүйн үйл явдал эсвэл нөхцөлүүд нь компанийг өөдрөг төсөөллөө үргэлжлүүлэхээ зогсооход хүргэх нөлөө үзүүлж болно.
- Тодруулгыг багтаагаад санхүүгийн тайлангийн ерөнхий толилуулга, бүтэц, агуулга ба санхүүгийн тайлангууд нь үнэн зөв толилуулгын шаардлагыг хангахуйц хэмжээнд гол гол ажил гүйлгээ ба үйл явдлыг илэрхийлсэн эсэхийг үнэлдэг.

Бид аудитын төлөвлөсөн цар хүрээ ба хугацаа, аудитынхаа явцад олж илрүүлсэн дотоод хяналт дахь томоохон зөрчил дутагдлыг оруулаад нөлөө бүхий аудитын илрүүлэлтүүд, бусад асуудлуудаар засаглах эрх бүхий удирдлагатай харилцдаг.

Бид хараат бус байдлын тухай холбогдох ёс зүйн шаардлагуудад нийцсэн мэдэгдлээр засаглах эрх мэдэл бүхий этгээдүүдийг хангадаг ба мөн бид эдгээр хүмүүстэй бүх харилцаа холбоо болон шаардлагатай гэж үзвэл хариу арга хэмжээ зэрэг бидний хараат бус байдлын хүрээнд бодолцож үзвэл зохих асуудлаар харилцдаг.

Засаглах эрх мэдэл бүхий этгээдүүдтэй харилцсан асуудлуудаас тайлант үеийн санхүүгийн тайлангийн аудитад гол асуудлууд гэж үздэг. Хууль, дүрэм журмаар аливаа асуудлыг олон нийтэд мэдээлэхийг хориглосон эсвэл түн ховор тохиолдолд аудиторын тайланд тухайн асуудлыг мэдээлэх нь тухайн мэдээллээс олон нийтийн хүртэх үр өгөөжөөс илүү сөрөг үр дагавартай гэж үзсэнээс бусад тохиолдолд тэдгээр асуудлыг аудиторын тайландаа тодорхойлдог.



Л. БАЯРЦОГЭЭЛ

БДО Аудит ХХК

Монгол улс, Улаанбаатар хот
Сүхбаатар дүүрэг, 1-р хороо,
Парисын гудамж, Нарны зам-62
Юнион Бюлдинг В блок, 1502 тоот өрөө

Огноо: 2024 .04. 12

СҮҮ ХК

2023 оны 12-р сарын 31-ний өдрөөр тасалбар болсон жилийн
Ашиг, алдагдал болон бусад дэлгэрэнгүй орлогын тайлан

	Тэм	2023 он мян.төг	2022 он мян.төг
Худалдан авагчидтай байгуулсан гэрээний орлого	5	147,793,353	108,774,221
Борлуулалтын өртөг	6	(102,610,200)	(78,902,371)
Үнэ цэний бууралтын нөхөлтийн олз /(гарз)	17/18	(281,104)	809,277
Нийт ашиг		44,902,049	30,681,127
Бусад орлого	7	1,389,874	1,231,651
Ерөнхий ба удирдлагын зардал	8	(7,995,703)	(5,903,057)
Борлуулалт ба маркетингийн зардал	9	(13,134,863)	(9,393,519)
Биологийн хөрөнгийн бодит үнэ цэний бууралтын гарз	24	(2,209,084)	(267,778)
Бусад зардал	11	(360,713)	(303,998)
Үндсэн үйл ажиллагааны ашиг		22,591,560	16,044,426
Санхүүгийн орлого	12	16,917	161,495
Санхүүгийн зардал	12	(5,153,727)	(6,363,393)
Татварын өмнөх ашиг		17,454,750	9,842,528
Орлогын албан татварын зардал	13	(3,236,532)	(1,506,549)
Тайлант жилийн ашиг		14,218,218	8,335,979
Нэгж хувьцаанд ногдох ашиг			
Суурь болон хорогдуулсан нэгж хувьцаанд ногдох ашиг - төгрөг	14	41.4	24.29

СҮҮ ХК

2023 оны 12-р сарын 31-ний өдрөөр тасалбар болсон жилийн
Санхүүгийн байдлын тайлан

	Тэм	2023 оны 12 сарын 31 мян.төг	2022 оны 12 сарын 31 мян.төг
Хөрөнгө			
Эргэлтийн хөрөнгө			
Бараа материал	16	22,238,723	21,641,490
Биологийн хөрөнгө	24	599,576	638,960
Худалдааны болон бусад авлага	17	5,008,054	3,762,032
Холбоотой талуудад олгосон зээл	18	434,393	571,495
Урьдчилж төлсөн төлбөр	19	8,356,802	2,279,634
Мөнгө ба түүнтэй адилтгах хөрөнгө	20	15,572,256	2,242,953
		52,209,804	31,136,564
Борлуулах зорилгоор эзэмшиж буй эргэлтийн бус хөрөнгө	21	14,700	65,440
		52,224,504	31,202,004
Нийт эргэлтийн хөрөнгө			
Эргэлтийн бус хөрөнгө			
Өмч, барилга, тоног төхөөрөмж	22	54,942,814	52,633,934
Хөрөнгө ашиглах эрх	23	741,489	642,710
Биологийн хөрөнгө	24	863,525	1,763,738
Биет бус хөрөнгө	25	146,610	69,118
Урьдчилж төлсөн төлбөр	19	12,311,546	1,516,620
		69,005,984	56,626,120
Нийт эргэлтийн бус хөрөнгө			
Нийт хөрөнгө		121,230,488	87,828,124

Хүснэгтийн үргэлжлэлийг дараагийн хуудаснаас үзнэ үү.

СҮҮ ХК

2023 оны 12-р сарын 31-ний өдрөөр тасалбар болсон жилийн
Санхүүгийн байдлын тайлан (үргэлжлэл)

	Тэм	2023 оны 12 сарын 31 мян.төг	2022 оны 12 сарын 31 мян.төг
Өр төлбөр			
Богино хугацаат өр төлбөр			
Худалдааны болон бусад өглөг	27	12,066,384	6,493,839
Зээл болон өр төлбөр	28	26,143,912	22,835,307
Түрээсийн өр төлбөр	23	366,543	293,681
Гэрээний өр төлбөр	5	33,569	412,911
Орлогын татварын өглөг	13	1,376,163	1,234,692
Нийт богино хугацаат өр төлбөр		39,986,571	31,270,430
Урт хугацаат өр төлбөр			
Зээл болон өр төлбөр	28	24,874,730	18,838,823
Түрээсийн өр төлбөр	23	171,770	133,947
Хойшлогдсон засгийн газрын буцалтгүй тусламжийн орлого	26	7,735,779	-
Хойшлогдсон татварын өр төлбөр	13	246,740	122,659
Нийт урт хугацаат өр төлбөр		33,029,019	19,095,429
Нийт өр төлбөр		73,015,590	50,365,859
Өмч			
Хувьцаат капитал	29	34,400	34,400
Нэмж төлөгдсөн капитал	29	60,102	60,102
Халаасны хувьцаа	29	(87)	(89)
Хуримтлагдсан ашиг		48,120,483	37,367,852
Нийт өмч		48,214,898	37,462,265
Нийт өр төлбөр ба өмч		121,230,488	87,828,124

СҮҮ ХК

2023 оны 12-р сарын 31-ний өдрөөр тсалбар болсон жилийн
Өмчийн өөрчлөлтийн тайлан

	Хувьцаат капитал мян.төг	Нэмж тологдсон капитал мян.төг	Халаасны хувьцаа мян.төг	Хуримтлагдсан ашиг мян.төг	Нийт өмч мян.төг
2023 оны 01 сарын 01-ний үлдэгдэл	34,400	60,102	(89)	37,367,852	37,462,265
Тайлант жилийн ашиг	-	-	-	14,218,218	14,218,218
Тайлант жилийн бусад дэлгэрэнгүй ашиг	-	-	-	-	-
Тайлант жилийн нийт дэлгэрэнгүй ашиг	-	-	-	14,218,218	14,218,218
Гаргасан хувьцаат капитал	-	-	2	(2)	-
Зарласан ногдол ашиг	-	-	-	(3,465,585)	(3,465,585)
2023 оны 12 сарын 31-ний үлдэгдэл	34,400	60,102	(87)	48,120,483	48,214,898

Хүснэгтийн үргэлжлэлийг дараагийн хуудаснаас үзнэ үү.

17-90 дүгээр хуудсан дахь тэмдэглэлүүд нь эдгээр санхүүгийн тайлангуудын салшгүй хэсэг болно.

СҮҮ ХК

2023 оны 12-р сарын 31-ний өдрөөр тасалбар болсон жилийн
Өмчийн өөрчлөлтийн тайлан (үргэлжлэл)

	Хувьцаат капитал мян.төг	Нэмж төлөгдсөн капитал мян.төг	Халаасны хувьцаа мян.төг	Хуримтлагдсан ашиг мян.төг	Нийт өмч мян.төг
2022 оны 01 сарын 01-ний үлдэгдэл	34,400	49,578	(124)	41,026,358	41,110,212
Тайлант жилийн ашиг	-	-	-	8,335,979	8,335,979
Тайлант жилийн бусад дэлгэрэнгүй ашиг	-	-	-	-	-
Тайлант жилийн нийт дэлгэрэнгүй ашиг	-	-	-	8,335,979	8,335,979
Гаргасан хувьцаат капитал	-	10,557	2	-	10,559
Зарласан ногдол ашиг	-	-	-	(3,161,626)	(3,161,626)
Охин компанийг нэгтгэх үйл явдлаар өмчид орсон өөрчлөлт	-	-	-	(8,832,859)	(8,832,859)
Өмчийн данс хооронд ангилал	-	(33)	33	-	-
2022 оны 12 сарын 31-ний үлдэгдэл	34,400	60,102	(89)	37,367,852	37,462,265

17-90 дүгээр хуудсан дахь тэмдэглэлүүд нь эдгээр санхүүгийн тайлангуудын салшгүй хэсэг болно.

СҮҮ ХК

2023 оны 12-р сарын 31-ний өдрөөр тасалбар болсон жилийн
Мөнгөн гүйлгээний тайлан

	Тэм	2023 он мян.төг	2022 он мян.төг
Үндсэн үйл ажиллагааны мөнгөн гүйлгээ			
Татварын өмнөх ашиг		17,454,750	9,842,528
<i>Тохируулга:</i>			
Өмч, барилга, тоног төхөөрөмжийн элэгдэл	22	4,795,719	3,228,012
Хөрөнгө ашиглах эрхийн хорогдуулга	23	600,722	573,023
Биет бус хөрөнгийн хорогдуулга	25	15,970	9,568
Өмч, барилга, тоног төхөөрөмж борлуулсны олз	7	(3,202)	(22,049)
Өмч, барилга, тоног төхөөрөмж данснаас гарз	22/8	10,268	639
Биологийн хөрөнгө борлуулсны гарз		20,883	-
Борлуулах зорилготой эргэлтийн бус хөрөнгө борлуулсны гарз	21	10,000	-
Гадаад валютын ханшийн зөрүүгийн гарз	12	258,789	446,360
Авлагын үнэ цэний бууралтын гарз/(олз)	17/18	281,104	(809,277)
Акталсан бараа материал	8	283	-
ЗГ-ын буцалтгүй түслэмжийн орлого	7/26	(582,130)	-
Санхүүгийн орлого	12	(16,917)	(161,495)
Хүүгийн зардал	12	4,593,798	5,022,654
Биологийн хөрөнгийн бодит үнэ цэний гарз	24/21	2,209,084	182,212
Биологийн хөрөнгийн хорогдол	24	740,038	176,418
Ажлын капиталын өөрчлөлтийн өмнөх үндсэн үйл ажиллагааны ашиг		30,389,159	18,488,593
Бараа материалын өсөлт		(597,516)	(8,147,347)
Худалдааны болон бусад авлагын өсөлт		(1,527,139)	(1,264,542)
Урьдчилж төлсөн төлбөрийн (өсөлт)/бууралт		(6,849,621)	3,652,286
Худалдааны болон бусад өглөгийн өсөлт/(бууралт)		3,415,027	(1,011,432)
Гэрээний өр төлбөрийн бууралт		(379,342)	(155,138)
Үндсэн үйл ажиллагаанаас бий болсон мөнгө		24,450,568	11,562,420
Төлсөн орлогын албан татвар	13	(2,970,980)	(945,402)
Хүлээн авсан хүү	12	16,917	161,495
Үндсэн үйл ажиллагааны цэвэр мөнгөн гүйлгээ		21,496,505	10,778,513
<i>Хүснэгтийн үргэлжлэлийг дараагийн хуудаснаас үзнэ үү.</i>			

СҮҮ ХК

2023 оны 12-р сарын 31-ний өдрөөр тасалбар болсон жилийн
Мөнгөн гүйлгээний тайлан (үргэлжлэл)

	Тэм	2023 он мян.төг	2022 он мян.төг
Хөрөнгө оруулалтын үйл ажиллагааны мөнгөн гүйлгээ			
Худалдан авсан өмч, барилга, тоног төхөөрөмж	22/33	(15,625,837)	(8,491,230)
Борлуулсан өмч, барилга, тоног төхөөрөмжөөс хүлээн авсан мөнгө		20,000	251,762
Худалдан авсан биет бус хөрөнгө	25	(93,462)	(5,674)
Борлуулах зорилгоор эзэмшиж буй эргэлтийн бус хөрөнгө борлуулалтаас хүлээн авсан мөнгө	21	-	10,482
Биологийн хөрөнгө борлуулснаас хүлээн авсан мөнгө		52,024	-
Хөрөнгө ашиглах эрх олж эзэмшихэд төлсөн мөнгө	23	-	(128,354)
Биологийн хөрөнгө дэх хөрөнгө оруулалт	24	(2,041,692)	(396,301)
Холбоотой талуудад олгосон зээл	30	(6,640,720)	(7,242,802)
Холбоотой талуудад олгосон зээлийн эргэн төлөлт	30	6,777,822	12,999,060
Хөрөнгө оруулалтын үйл ажиллагааны цэвэр мөнгөн гүйлгээ		(17,551,865)	(3,003,057)
Санхүүгийн үйл ажиллагааны мөнгөн гүйлгээ			
Гаргасан хувьцаа	-	-	10,558
Төлсөн ногдол ашиг	15	(1,265,932)	(3,161,626)
Авсан зээл болон өр төлбөр	33	49,094,241	29,465,345
Зээл болон өр төлбөрийн эргэн төлөлт	33	(33,064,110)	(32,553,812)
Зээл болон өр төлбөрийн хүүгийн төлбөрийн төлөлт	33	(4,380,316)	(5,743,879)
Түрээсийн өр төлбөрийн үндсэн төлбөрийн төлөлт	23	(588,816)	(652,525)
Түрээсийн өр төлбөрийн хүүгийн төлбөрийн төлөлт	23	(116,207)	(118,202)
Санхүүгийн үйл ажиллагааны цэвэр мөнгөн гүйлгээ		9,678,860	(12,754,141)
Тайлант жилд бий болсон/(зарцуулсан) нийт цэвэр мөнгөн гүйлгээ		13,623,500	(4,978,685)
Мөнгө ба түүнтэй адилтгах хөрөнгийн эхний үлдэгдэл	20	2,242,953	7,017,492
Мөнгө ба түүнтэй адилтгах хөрөнгийн гадаад валютын ханшийн өөрчлөлтийн нөлөө	12	(294,197)	204,146
Мөнгө ба түүнтэй адилтгах хөрөнгийн эцсийн үлдэгдэл	20	15,572,256	2,242,953

Мөнгөн гүйлгээний тайланг дэмжих мэдээллийг Тэмдэглэл 33-с үзнэ үү